

Publicaziuns officialas dils 20 da mars 2026

Vischnaunca Trun

Damondas da baghegiar

Datum da publicaziun: 20-03-2026

Petents: Clemens e Marlis Bundi
Via Vricla 9
7167 Zignau

Representanza: Hartmann Architekten Küblis AG
Chlus 5
7240 Küblis

Object: Construcziun dad ina casa d'ina famiglia cun ina habitaziun integrada
sin parcella 3059 a Trun

Zona: Zona da habitar (H2)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Avertura dalla nova deponia da rumians «Cuort da rimnada Ogn»

Preziadas convischinas e prezias convischins

La nova Cuort da rimnada Ogn vegn aviarta **sonda, ils 28 da mars 2026**. Il di d'avertura porscha la suprastanza communal ligiongias giu dil grill e bubrondas. Vinavon stattan luvriers dil menaschi tecnic a disposiziun per mussar ils indrezs.

Suandont rumien sa vegnir dismiss da tut temps: Sacs verds, sacs blaus, PET, veider, textilias e calzers, cuppas d'alu, cuppas da stuors.

Suandont rumien sa vegnir dismiss mo durent las uras d'avertura dalla Cuort da rimnada Ogn: Rufid bloccont, caglias e pastget, ieli da cuschina, pupi e cartun, metal, electronica etc.

Uras d'avertura naven dils 28 da mars 2026:

Mardis, mesjamna e venderdis mintgamai las 16.00–18.00

Sonda allas 10.00–12.00 e las 14.00–16.00

Ei suonda proximamein in feagl sgulont cun informaziuns pli detagliadas en tut las casadas da nossa vischnaunca.

Suprastanza communal Trun

Reorganisaziun en connex cun la dismessa da rumien terminada Supplica da buca pli metter sacs el liber

Preziadas convischinas e preziai convischins

Cun l'avertura dalla Cuort da rimnada Ognà ei il project per la nova organisaziun da rumien en vischnaunca serraus giu. Duront ils davos onns ein 12 molocs per rumien da casa vegni installai en las differentas fracziuns da nossa vischnaunca. Ils loghens nua ch'ei vegneva dismess sacs el liber la mesjamna vegnan sligai si naven d'immediat. La populaziun vegn supplicada da dismetter il rumien da casa en in dils molocs.

Suprastonza communal Trun

Mortori

Nay-Flepp Maria Paulina, naschida ils 9 da december 1928 e morta ils 11 da mars 2026.

Controlla da habitonts Trun

Corporaziun Alp Nadéls

Invit alla radunonza generala 2026 che ha liug mesjamna, ils 8 d'avrel 2026 ell'aula dalla casa da scola Trun, allas 20.00 uras

Tractandas:

1. Beinvegner ed appel
2. Elecziun d'in dumbravusch
3. Prelecziun dil protocol dalla davosa radunonza generala
4. Rendaquen per igl onn 2025
 - presentaziun dil quen entras il cassier, quen annual
 - rapport dils revisurs ed approbaziun dil quen
5. Rapport annual dil president
6. Elecziuns
 - actuar
 - cassier
7. Stabiliments
8. Project via Nadéls
 - informaziun, etappa via «Roscht-Nadéls Dadens»
9. Program da lavur a Nadéls
 - preventiv 2026
10. Fixar il tscheins dils dretgs per igl onn 2026
11. Varia

La suprastonza

Museum Sursilvan Cuort Ligia Grischa

Sonda, ils 28 da mars, 16:00

Vernissascha dall'exposiziun d'art Alois Carigiet-Mattias Spescha - Ovras tumprivas. L'exposiziun dat investa alla relaziun amicabla, muossa ovras da pli baul - denter auter la «Cratschla sin finiastra» da Carigiet (1946) e renda vesibla las entschattas figurativas strusch enconuschentas da Spescha. La curaziun han Alexa Giger e Gieri Venzin.

Cordialmein envida il team dil museum

Uniun da dunnas Trun/Zignau

Cuors da far paun

Nus envidein vus cordialmein ad in cuors da far paun. Duront in venderdis sera ed ina sonda avonmiezdi vegn nossa meinacuors Barla Cavegn a dar a nus interessantas informaziuns e massa buns tips. Nus vegnin era a far nies agen paun.

datum: venderdis, ils **10 d'avrel e sonda, ils 11 d'avrel 2026**

liug: cuschina dalla scola da Trun

uras: venderdis, 19.00-21.00 sonda, 08.30-13.00

annunzias: tochen ils 30 da mars 2026 all'actuara (sfdecurtins@bluewin.ch, 079 389 29 49)

Nus selegrein da vossas annunzias.

Uniun da dunnasTrun/Zignu

KMU-Impuls regio: Als Unternehmer/-in in der Region engagiert

Anlass mit Netzwerkapéro, 31.03.2026, llanz Sieheunter

Amtliche Publikationen Regiun Surselva.

Societad da tir Vial Sumvitg

Suprastonza e cumissiun da tir envidan alla radunonza generala.